



海山存稿卷十一

外集

涪陵周煌著

詩一百二十九首

奉使琉球紀

恩四首

帝德如天被八荒東瀛重譯奉

恩光九金禹鼎圖方物五玉周班載國章石室舊緘黃
紙貴露華新浥紫泥香恰逢禮樂陳

王會海表河源地共長

詔選儒臣入

睿題恩華先已耀金閨撫衷何分堪持節在聖猶兢是
執圭豈有文章同炳虎須知殊翼不濡鵜一朝冠服分
槐省稽古榮叨五等齊

底事

清時問請纓遠將

鳳簡颺龍旌四方自足明初志萬里真堪屬此行到日
聚觀香案吏趨程飛渡化人城平生風浪輕三峽况際
鯨鯢久不驚

海外孤城島上宮

皇威遐暢百靈同鼇頭遣護三千水鵬背招生九萬風

望

闕每依天極北乘槎果到地維東遙知此日成都市定
有星占賣卜翁

中秋對月

只似輕雲薄薄遮卽時清景滿天涯簾櫳盡捲休焚麝
鐘鼓初收正集鴉

是夕酉刻日食時正初昏

已欲舉杯來對影不成

歸夢去看花明年海上憑誰共應有人占犯斗槎

將赴琉球恭請

聖訓召見養心殿次日擢臣侍講紀

恩二首

封泥璀璨下瀛中向日葵忱勵匪躬

天有恩光迴曲照

帝於心理擊包蒙險夷豈合殊臣節甘苦還能厯

聖衷

臣等伏蒙
險爾等心要誠

慈諭海行雖
不可說苦

惟此傳家清白在歸

裝不辦陸生同

鸞坡載筆歲崢嶸

天顧恩深每自驚竊愧祕書難遍讀早從講席荷殊榮

十三年秋

特旨擢臣侍讀閣
臣以守制回籍覆奏乃始別除

青宮華選除方始近除

中允霽宇

龍顏近更明二十年來趨走地倍增瞻戀不勝情

二月九日初出國門門人朱玉階編修李西軒
馬梅阿兩檢討毛其人庶常博虛宥主事張
容齋助教並見送於彰儀門外作此留別兼
示岐岱兩兒

春明新霽後柳色正依依莫以折枝贈還應見雪歸詩
成初捧席玉階出
二小詩酒盡更牽衣借問貴遊客如茲別亦
稀

嶽廟

東社蒼精祕殿開金莖碧瓦露崔嵬白雲總占封中出
紅日先從觀裏來天下有時常徧雨人間無處不聞雷

使臣去向扶桑路遙指三門拂斗魁

斗魁海岱以北見漢書天文志

羊叔子故里

裘帶眇何許停車有所思平吳推遠畧酖陸陋羣疑落

日迴顏巷

用世說羊叔子何必減顏子語

流風傍習池惟應同峴首客

淚墮殘碑

平山堂四首

吳頭楚尾古名都京口嵐烟入畫圖畢竟遠山元不借

江眼底望如無

此地何曾是故鄉佳名且喜見吾岡竹牀蒲椅僧留客

分得清甘自在嘗

廿四橋頭載酒船
珠簾高捲艷陽天
分明記得司勳句
又是春風荳蔻前

清明時節晚冥冥
無數遊人出近坵
恣意笙歌消永夜
饑烏啼煞不曾聽

京口候潮

盈虛曾說月爲儔
待送輕帆下潤州
要與蓬萊看深淺
不知來滯海西頭

雲洲草堂之左故蘇長公居常時宅也有洗硯池
尚存宅舊爲方氏業今已易主不可得訪
感而作此

我以生爲寄公因老不歸已無緡市宅空有墨沾衣石
髮青螺疊池心黑蜩飛淒涼人代速更阻欵荆扉

西湖雜詠九首

盥漱先來謁聖因

龍脾高處卽楓宸

湖上聖因寺本仁廟行宮

微臣正有三山使長

憶恩波六十春

前使頒封者三皆在康熙中

前時曾記

六龍迴

辛未歲初巡幸江浙

上

行殿欣瞻掌鑰開最是百花齊放處香泥猶逐燕將來

行宮
二首

水繞山圍縱復橫
虛亭孤揭壓波清
西湖不是彈棊局
望到中心分外平

湖心亭

岳鄂王墳枕翠微
江山不改市朝非
可憐枯盡冬青後
獨有松楸帶落暉

岳墳

豢鷹養馬道人家
韻事無如此可誇
一瀉清池魚樂也
倚闌千處讀南華

玉泉觀魚

路入幽篁步步攀
連筒接水細潺潺
問泉莫自分清濁
潤到人間不在山

雨前山茗擘龍團
雨後山泉落玉盤
好借韜光分一榻

江潮海日界中看

韜光二首

白衣大士栖天竺妙相爭傳現井中我本尋山非拜佛

炷香不擬問鮫宮

天竺大士籤相傳甚靈余以湖山之便不敢瀆也正使全公穆齋先詣

請兆其詞云有物不周全須防損半邊家鄉烟火裏祈福是安然嗟乎姑米之事見於此矣及歸自琉球以正月三十日開洋是爲祈福日祈福者蓋琉球未奉到頒朔前所權行時憲書中語也附記於此

初入蘇公第六橋晚風落日馬蕭蕭不須鶯曉兼花曉

但是春行也自饒

蘇隄

雨後吳山晚望

春雲如墨雨如油明爲王程約放舟少借此間高處立
多於曩日畫中遊前朝陵廟金牌盡故國山河鐵券收
望海望湖人代閱晚風吹上夕陽樓

廣福菴僧文閣

僧從小小來聽話仙楂路斯人迹已陳尙在此山住

文閣

自言少時曾識前使
徐澄齋先生於此

宿雨初止發峽口度仙霞嶺天雨菴小憩遂步

至頭關頂用蘇長公自陽平至斜谷宿南山

蟠龍寺詩元韻

蛟龍幾日移湫窟驅使奔濤撼山谷風車雨馬厭逢迎
月姊星妃爭爚煜侵晨渡口出沙尾到處杈牙縈水曲
却從平地望仙霞初疑無路惟修竹細泉漱石白於齒
雜花映山紅勝燭三百六十梯未窮下視千松藐一藪

僕夫既殆馬既煩旋市村醪導午粥寺僧見客眼先青
野老窺人毛欲綠泥丸底事敢封秦劍閣何曾堪據蜀
還將脚力鬪攀躋身輕不用騎黃鵠

仙霞嶺感事二首

豺虎當年井底觀無諸城上滿旌竿中原驛騎無消息
問道猶飛小蠟丸

曾從國史與編摩武定安溪紀事多

余分修國史於二相國事皆有藁本

忽憶驅車文德路

文德關在鎮遠府吳逆之叛督臣甘文焜死此謚忠果

兩家賊

壘竟如何

由洪山橋奉

韶勅入城

銀虬將駕海金馬恰臨城
匝岸喧宮騎橫波颺使旌綠

榕陰似蓋丹荔實如晶
十里離亭迴羣公列座榮

時將軍以

下皆於迎恩亭祇迓因懷承

帝簡曾許典文衡顧以家山夢

壬申被試適丁母艱未行

命典閩難

爲柳雪情何期來越嶠
取道泛蓬瀛福地緣終在星輶
快此行

綸褒從北闕袞繡遂東征
佇聽南薰入蒼茫問去程

諸南臺拈香因閱封舟

心香分得

御爐烟展禮

仙輶一肅然鵠首迴翔支十二

海船命名按十二支船頭邊板曰鼠墻後兩邊

欄曰牛欄桅繩曰虎尾繫旋繩木曰兔耳船底大木曰

龍骨兩邊另釘灣杉木曰水蛇篷繫繩板曰馬臉船頭

橫覆板插兩角曰羊角鑲龍骨木曰蓑楂抱桅篷繩曰

雞冠抱旋繩木曰狗牙掛桅脚杉木段曰桅猪見赤嵌

筆鯤鱗騰躍水三千深知靈可除狂浪祇媿才非濟巨

川看取江千雙艦壯清銜雅不號樓船

少銀臺青圃同年招遊烏石山

凌晨折簡來烏石招短策我昔耳熟之謂是神仙宅何

階奉使便茲麓駐棨戟甫上鄰霄臺四望已把搔舊塢

失蟠桃

山有大石如桃篆刻蟠桃塢

荒池遺鳳翮

山有浴鳳池

名山浪得

名止是一拳石灰徑臨懸崖岬嶠藤根磔下岡忽平坦
寶光若可摘福字鐫廣長跂仰逾尋尺古松護釵股新
苔蔓鐵畫掬泉滌欸題徽國文公迹山南石上朱子書一福字俗呼福字
載瞻般若臺陽水擅匠伯李陽冰書有三大絕方之
鳥山般若臺其一也朱子書培塿無能役乃悟遊山訣當自措奇劃不在高
與深所貴搜儒碩刻之無所損增之不爲益始猶尋山
膚今已理山脈遊山莫問山須認遊山客晤言快心脾
虛往而實獲長嘯海天空空花蘸酒碧

少保范忠貞祠

今代昭忠典勲賢第一班聲名小大外忠貞父文程用小范大范事